

К ОПУБЛИКОВАНИЮ

КОМИ РЕСПУБЛИКАЛӨН

ОЛАНПАС

Коми Республикаса Оланподулö вежсьöмъяс пыртöм йылысь

Примитöма Коми Республикаса

Каналан Сöветөн

2022 вося лöддза-номъя тöлысь 23 лунö

1 статья. Пыртны Коми Республикаса Оланподулö (Коми Республикаса Медвылыс Сöветлөн индöд-тшöктöмъяс, 1994, 2 №, 21 ст.; Коми Республикаса канму власьт органъяслөн индöд-тшöктöмъяс, 1996, 1 №, 438 ст.; 2 №, 452 ст.; Республика, 1997, моз тöлысь 28 лун; Коми Республикаса канму власьт органъяслөн индöд-тшöктöмъяс, 1998, 5 №, 834 ст.; 9 №, 913 ст.; 914 ст.; 1999, 2 №, 1026 ст.; 8 №, 1135 ст.; 2000, 9 №, 1360 ст.; 10 №, 1383 ст.; 2001, 3 №, 1560 ст.; 6 №, 1630 ст.; 2002, 1 №, 1856 ст.; 9 №, 2071 ст.; 2003, 4 №, 2468 ст.; 8 №, 2608 ст.; 2004, 4 №, 3088 ст.; 10 №, 3467 ст.; 11 №, 3542 ст.; 2005, 12 №, 4114 ст.; 4115 ст.; 2006, 1 №, 4188 ст.; 9 №, 4542 ст.; 2007, 3 №, 4731 ст.; 8 №, 4931 ст.; 9 №, 4983 ст.; 12 №, 5270 ст.; 2008, 2 №, 7 ст.; 5 №, 206 ст.; 2009, 11 №, 168 ст.; 16 №, 258 ст.; 20 №, 350 ст.; 33 №, 606 ст.; 49 №, 986 ст.; 2010, 16 №, 299 ст.; 50 №, 1429 ст.; 2011, 37 №, 980 ст.; 2012, 31 №, 693 ст.; 2013, 10 №, 207 ст.; 41 №, 797 ст.; 2015, 7 №, 66 ст.; 20 №, 248 ст.; 2019, 18 №, 263 ст.; 2020, 21 №, 342 ст.; 2021, 10 №, 202 ст.; 19 №, 346 ст.) татшöм вежсьöмъяс:

1. 5 статьяын «уджмогъясысь» кыв кольны «уджмогъясысь» кывйөн.

2. 7 статьяын:

1) мöд юкөн гижны таdzi:

«Коми Республикаса Оланподувсö, Коми Республикаса оланпасъяссö да мукöд инöда нормативнöй актсö, мый вынсьöдöма Коми Республикалөн уджмогъяс серти, быть колö пöртны олöмö Коми Республика мутасын

меститчём став канму власьт органлы, мукöd канму органлы, меставывса асвеськöдлан органьяслы, организацияслы, öтйöза öтувьяслы, чина йöзлы да гражданылы.»;

2) нельöд юкөн гижны тадзи:

«Коми Республикаса Оланподув да Коми Республикаса оланпасьяс вынсялöны найöс официальной йöзöдан лунсянь дас лун кольöм бöрын, федеральной оланпасөн да (либö) Коми Республика Оланподулөн, Коми Республикаса оланпасөн абу кö урчитöма налөн вынсялöм серти мöд пöрадок.».

3. 8 статья гижны тадзи:

«8 статья

Коми Республикаын канму власьт збыльмöдсьö оланпас пыртысь, олöмö пöртысь да ёрд власьт вылö юкöм подув вылын.

Коми Республикаса оланпас пыртысь власьт збыльмöдö Коми Республикаса Каналан Сöвет.

Коми Республикаса олöмö пöртысь власьт збыльмöдöны Коми Республикаса Юралысь, Коми Республикаса Воськöдлан котыр да Коми Республикаса мукöd олöмö пöртысь власьт орган (Коми Республикаса олöмö пöртысь органьяс).

Коми Республикаын ёрд власьт збыльмöдöны федеральной ёрдьяс да Коми Республикаын мирövöй ёрдысьяс.

Коми Республикаса канму власьт органьяс Коми Республикаса Оланподулөн да оланпастэчасөн урчитöм тыр инöд серти уджалöны ас кежысь.».

4. 62 статьяын:

1) медводдза юкөн киритны;

2) коймöд юкöнын «республикакöд, дормукöд, обласьткöд, асвеськöдлан обласьткöд, асвеськöдлан кытшкöд» кывьяс вежны «субъекткöд» кывйөн.

5. 64 статьяса мöд юкөн гижны тадзи:

«Отывь веськӧдланторъяс кузя йӧзӧдсьӧны федеральной оланпасъяс да на серти вынсьӧдан Коми Республикаса оланпасъяс да мукӧд инӧда нормативной акт.».

6. 65 статья гижны тадзи:

«65 статья

Коми Республикаса оланпасъяс да мукӧд инӧда нормативной акт оз вермыны мунны паньд федеральной оланподув оланпасъяслы, федеральной оланпасъяслы, мый вынсьӧдома Россия Федерациялӧн веськӧдланторъяс кузя да Россия Федерациялӧн да Россия Федерацияса субъектъяслӧн отувъя веськӧдланторъяс кузя.

Федеральной оланпас да Коми Республикаса инӧда нормативной акт костын кӧ эм паньд мунӧм да сийӧс йӧзӧдӧмыс кӧ оз пыр Россия Федерациялӧн веськӧдлӧм улӧ, Россия Федерациялӧн да Россия Федерацияса субъектъяслӧн отывь веськӧдлӧм улӧ, сэки уджалӧ Коми Республикаса инӧда нормативной акт.».

7. 66 статьяын:

1) медводдза юкӧнын «оланподув тэчаслӧн» кывъяс вежны «Россия Федерацияса оланподув тэчаслӧн» кывъясӧн;

2) коймӧд юкӧнын «ассьыныс ӧткымын уджмог» кывъяс бӧрын содтыны «оланпастэчас серти» кывъяс.

8. 71 статьяса медводдза юкӧн гижны тадзи:

«Коми Республикаса Каналан Сӧвет лоӧ Коми Республикаса войтыр нимсянь уджалысь да оланпас пыртысь дзик ӧти канму власьт органӧн. Коми Республикаса Каналан Сӧвет лоӧ Коми Республикаса пыр уджалан канму власьт органӧн.».

9. 72 статьялӧн кӧкъямысӧд юкӧнса медводдза сёрникузяын «сылӧн уджмогъяс да кывкутӧмыс» кывъяс бӧрын содтыны «, Коми Республикаын публичной власьтлӧн отувъя тэчасӧ пырысь мукӧд органкӧд отув уджалан пӧрадокыс,» кывъяс.

10. 73 статья гижны тадзи:

«73 статья

Коми Республикаса Каналан Сöвет:

1) вынсьöдö Коми Республикаса Оланподув да сы дорö стöчмöдöмьяс;

2) вермö вöзйыны Россия Федерацияса Федеральнöй Собраниеы оланпас балаяс;

3) Коми Республикалөн уджмогьяс кузя оланпастэчас серти нуöдö ладмöдан удж Коми Республикалөн веськöдланторьяс да Россия Федерациялөн да Россия Федерацияса субъектьяслөн öтвыв веськöдланторьяс серти;

4) индö Коми Республикаса Юралысьöс бöрьянног;

5) индö Коми Республикаса Каналан Сöветö бöрйысьöм нуöданног, а сіджö Коми Республикаса референдум инданног да нуöданног;

6) кывзö Коми Республикаса Веськöдлан котырлөн удж йылысь Коми Республикаса оланпас серти сетöм быдвося отчёт, сы лыдын Коми Республикаса Каналан Сöветлөн юалöмьяс кузя;

7) Коми Республикаса Оланподулөн да Коми Республикаса оланпасьясөн урчитöмөн да индöм ногөн видзöдö та вылö уджмога мукöд органкöд Коми Республикаса оланпасьяс пыдди пунктöм да найöс олöмö пöртöм бöрся, Коми Республикаса республиканскöй сьöмкуд олöмö пöртöм бöрся, сьöмкудйö пырттöм Коми Республикаса фондьяслөн мутасса канму сьöмкудьяс олöмö пöртöм бöрся, Коми Республикаса кыын кутан эмбурөн вöдитчан урчитанног пыдди пунктöм бöрся;

8) сöгласуйтö Коми Республикаса Юралысьөн пыртöм вöзйöмьяс татшöм чиньясö индöм серти: Коми Республикаса Веськöдлан котырөн Юрнуöдысь, Коми Республикаса Веськöдлан котырөн Юрнуöдысьöс Медводдза вежысь, Коми Республикаса сьöм овмöс министр, Россия Федерацияын да сылөн субъектьясын, суйöрсайса канму мутасьясын Коми Республикаöс петкöдлысьяс;

9) збыльмөдö Россия Федерацияса Оланподулöн, федеральной оланпасьясöн, Коми Республикаса Оланподулöн да Коми Республикаса оланпасьясöн урчитöм мукöд уджмог.».

11. 75 статьяса коймöд юкöн гижны тадзи:

«Вот (öктас) урчитöм, пыртöм либö налысь вынсö дугöдöм йылысь, вот ставкаяс (öктас ставкаяс) вежöм йылысь, вот (öктас) мынтан пöрадок да кадколаст, вот кокньöдыяс (öктас серти кокньöдыяс) да (либö) наöн вöдитчан подувьяс да пöрадок урчитöм (киритöм) йылысь оланпас балаяс, рöскöд урчитысь мукöд оланпас бала, кутшöмьясöс сьöмöн могмөдöны Коми Республикаса республиканской сьöмкуд сьöм тшöт весьтö, Коми Республикаса Каналан Сöветöн видлавсьöны Коми Республикаса Юралысьлöн вöзийöм серти либö сылöн кывкöртöд серти. Тайö кывкöртöдыс сетсьö Коми Республикаса Каналан Сöветö Коми Республикаса Юралысьлы оланпас бала воан лунсянь кызь лунöн.».

12. 77 статьяын:

1) медводдза юкöнын «оланпасыс» кыв вежны «Коми Республикаса оланпасыс» кывьясöн, «йöзöдöм могысь» кывьяс вежны «кырымалöм да йöзöдöм могысь» кывьясöн;

2) мöд юкöнын «йöзöдö Коми Республикаса оланпассö, оланпас йöзöдöмсö эскöдö кырымалöмöн» кывьяс вежны «кырымалö да йöзöдö Коми Республикаса оланпассö» кывьясöн;

3) нельöд юкöнын «сйöс колö йöзöдны» кывьяс вежны «сйöс колö кырымавны да йöзöдны» кывьясöн, «сизим лунöн» кывьяс водзын содтыны «индöм оланпаслöн воёмсянь» кывьяс;

4) витöд юкöн гижны тадзи:

«Тайö статьяөн урчитöм кадколастсö дугöдлöны федеральной оланпас серти сэк, кор Коми Республикаса оланпас йöзöдтöдз пыртöны Россия Федерацияса Оланподув Ёрдö Россия Федерацияса оланпаслысь оланподувлы лöсялöмсö прöверитöм йылысь Президентлысь запрос.».

13. 79 статья гижны тадзи:

«79 статья

Коми Республикаса Каналан Сöветлысь уджмогъяс вермасны кадысь водз дугöдны, кор:

1) Коми Республикаса Каналан Сöвет Коми Республикаса оланпасöн урчитöм пöрадокын вынсьöдö сылысь уджмогъяссö кадысь водз дугöдöм йылысь помшүöм;

2) вынсялö Коми Республикаса Медвылыс Ёрдлön помшүöм сы йылысь, мый Коми Республикалön Каналан Сöветса депутатъяслön тайö котырыс абу инöда, тшöтш и сэки, кор депутатъяс эновтчöны асланыс уджмогъясысь;

3) Коми Республикаса Каналан Сöветлысь уджсö дугöдö Коми Республикаса Юралысь тайö статьялön мöд да коймöд юкөнъясöн урчитöм подувъяс вылын;

4) Коми Республикаса Каналан Сöветлысь уджсö дугöдö Россия Федерацияса Президент федеральной оланпасöн урчитöм подувъяс вылын.

Коми Республикаса Юралысь вынсьöдö Коми Республикаса Каналан Сöветлысь уджмогъяс кадысь водз дугöдöм йылысь помшүöм, кор Коми Республикаса Каналан Сöвет вынсьöдöма Коми Республикаса Оланподув, Коми Республикаса оланпас, мукöд инöда нормативной акт, кутшöмъяс мунöны паныд Россия Федерацияса Оланподувлы, федеральной оланподув оланпасъяслы, федеральной оланпасъяслы, Россия Федерациялön веськöдлантор кузя да Россия Федерациялön да Россия Федерацияса субъектъяслön öтвыв веськöдлантор кузя вынсьöдöм федеральной оланпасъяслы, Коми Республикаса Оланподувлы, татшöм паныд мунöмъяссö кö индöма лöсялана ёрдön, а Коми Республикаса Каналан Сöвет эз бырöд найöс ёрдлön помшүöм вынсялан лунсянь квайт тöлысьöн;

Коми Республикаса Юралысь вермö вынсьöдны Коми Республикаса Каналан Сöветлысь уджмогъяс кадысь водз дугöдöм йылысь помшүöм, кор лöсялана ёрдлön вынсялöм помшүöмön урчитöма, мый инöда котырön бöрийöм Коми Республикаса Каналан Сöвет куим тöлысь чöж помся эз нуöd

чукӧртчылӧм, либӧ кор лӧсялана ёрдлӧн вынсялӧм помшуӧмӧн урчитӧма, мый инӧда котырӧн выльысь бӧрйӧм Коми Республикаса Каналан Сӧвет инӧда котырӧн бӧрйӧм лунсянь куим тӧлысь чӧж эз нуӧд чукӧртчылӧм. Коми Республикаса Каналан Сӧветлысь уджмогъяс кадысь водз дугӧдӧм йылысь помшуӧм позьӧ примитны лӧсялана ёрдлӧн помшуӧм вынсялан лунсянь куим тӧлысьӧн.

Коми Республикаса Каналан Сӧветлысь уджмогъяс кадысь водз дугӧдӧм йылысь Коми Республикаса Юралысьлӧн помшуӧм вынсьӧдсьӧ индӧдӧн.

Коми Республикаса Каналан Сӧветлысь уджмогъяс кадысь водз дугӧдӧм йылысь помшуӧм вынсьӧдӧм бӧрын индӧны Коми Республикаса Каналан Сӧветӧ водзвыв урчиттӧм бӧрйысьӧмъяс федеральной оланпас, Коми Республикаса Оланподув да (либӧ) Коми Республикаса оланпас серти. Индӧм бӧрйысьӧмъяс нуӧдсьӧны федеральной оланпасӧн урчитӧм кадӧ, мый урчитӧ Россия Федерацияса гражданаӧн бӧрйысян инӧдъяс да референдумын участвуйтӧм вылӧ инӧд серти медшӧр гарантияяссӧ.».

14. 80 статьяын:

1) медводдза юкӧн гижны таdzi:

«Коми Республикаса олӧмӧ пӧртысь власьт органъяслысь системасӧ да тэчасӧ урчитӧ Коми Республикаса Юралысь.»;

2) коймӧд юкӧнӧ «кывкутӧмыс» кыв бӧрын содтыны «, ас костаныс да Коми Республикаын публичной власьтлӧн ӧтувъя тэчасӧ пырысь мукӧд органкӧд ӧтув уджалан пӧрадокыс» кывъяс.

15. 81 статья гижны таdzi:

«81 статья

Коми Республикаса Юралысь юрнуӧдӧ Коми Республикаын олӧмӧ пӧртысь власьтӧн.

Коми Республикаса Юралысьӧс бӧрйӧны Россия Федерацияса граждана, кодъяс олӧны Коми Республика мутасын да кодъяслӧн

федеральной оланпас серти эм активной бөрйысян инöd, ставлы инмана быдöнлы öткодь да веськыд бөрйысян инöd серти гусьön гөлöсуйтöмөн.

Коми Республикаса Юралысьön вермö лоны Россия Федерацияса гражданин, кодлы тырöма 30 арös, кодi пыр олö Россия Федерацияын, кодлön абу суйöрсайса канмулön гражданство (подданство) либö сэнi олöм вылö кабала либö Россия Федерацияса гражданинлön суйöрсайса канму мутасын пыр олöм вылö инöd эскöдан мöd документ.

Коми Республикаса Юралысьöс бөрйöны вит во кежлö.

Коми Республикаса Юралысьöс бөрьянногсö урчитö Коми Республикаса оланпас федеральной оланпастэчас серти.».

16. 82 статьяса медводдза юкöнын «кыпыд кывсетöм» кивъяс вежны «кыпыд обстановказын кывсетöм» кивъясөн.

17. 83 статьяö содтыны татшöм сюрöса мöd юкөн:

«Коми Республикаса Юралысьлы федеральной оланпасön урчитöм пöрадок серти оз позь восьтавны да кутны Россия Федерацияса мутас сайын суйöрсайса банкъясын тшöтъяс (вкладъяс), видзны кивыв сьöм да озырлун.».

18. 84 статья гижны тадзи:

«84 статья

Коми Республикаса Юралысь:

1) збыльмödö ас уджмогъяс серти мортлысь да гражданинлысь инödъяс да вöля олöмö пöртан, могмöдан да дорьян, ас эмбур да öтйöза пöрадок видзан, терроризмлы да экстремизмлы водзсасын, мыж вöчöмкöd тыш нуöдан мераяс;

2) петкöдлö Коми Республикаöс Россия Федерацияса Президенткöd, Россия Федерацияса Федеральной Собраниекöd, Россия Федерацияса Веськöдлан котыркöd, Россия Федерацияса Каналан Сöветкöd, мукöd органкöd, организациякöd да чина йöзкöd йитödъясын да Коми Республикалön компетенцияын ортсыса экономической йитödъясын, Коми

Республика нимсянь инöd серти вермö кырымавны сёрнитчöмъяс да артмöдчöмъяс;

3) йöзöдö Коми Республикаса Оланподув, кырымалö да йöзöдö Коми Республикаса оланпасъяс либö вештö Коми Республикаса Каналан Сöветөн вынсьöдöм Коми Республикаса оланпасъяс;

4) координируйтö Коми Республикаса олöмö пöртысь власьт органъяслысь Коми Республикаса канму власьт мукöд органкöд удж да Россия Федерацияса оланпастэчас серти котыртö Коми Республикаса олöмö пöртысь власьт органъяслысь олöмö пöртысь федеральной власьт органъяскöд да налөн мутас органъяскöд, меставывса асвеськöдлан органъяскöд, Россия Федерацияын публичной власьтлөн öтувья тэчасö пырысь мукöд органкöд öтувья удж;

5) урчитö Коми Республикаса олöмö пöртысь власьт органъяслысь системасö да тэчасö Коми Республикаса Оланподув серти;

6) котыртö Коми Республикаса Вескöдлан котыр да вынсьöдö сылысь удж дугöдöм йылысь помшуöм;

7) пыртö Коми Республикаса Каналан Сöветö сöгласуйтöм вылö татшöм чиньясö индöм кузя вöзйöмъяс: Коми Республикаса Вескöдлан котырөн Юрнуöдысь; Коми Республикаса Вескöдлан котырөн Юрнуöдысьöс Медводдза вежысь; Коми Республикаса сьöм овмöс министр, Россия Федерацияын да сылөн субъектыясын, суйöрсайса канмуяслөн мутасьясын Коми Республикаöс петкöдлысьяс;

8) индö чинö да мездö чинысь Коми Республикаса олöмö пöртысь власьт системаын Коми Республикаса чина йöзöс оланпастэчас серти;

9) урчитö Коми Республикаса Вескöдлан котырлөн уджлысь медшöр нырвизьяссö;

10) сылөн эм инöd корны чукöртны Коми Республикаса Каналан Сöветлысь водзвыв урчиттöм чукöртчылöм, а сідзжö чукöртны выльöн бöрйöм Коми Республикаса Каналан Сöвет медводдза чукöртчылöм вылö

Коми Республикаса Каналан Сöветлы Коми Республикаса Оланподулöн урчитöм кадысь водзджык;

11) сылöн эм инöд пырöдчыны Коми Республикаса Каналан Сöветлöн уджö сёрнитчан гөлöса инöдöн;

12) сылöн эм инöд примитны Коми Республикаса Каналан Сöветлысь уджмогыяс кадысь водз дугöдöм йылысь помшуöм федеральной оланпасöн урчитöм подувьяс вылын да пöрадокын;

13) збыльмöдö мукöд уджмог федеральной оланпасьяс, Коми Республикаса Оланподув да Коми Республикаса оланпасьяс серти.».

19. 86 статья гижны тадзи:

«86 статья

Коми Республикаса Юралысьлöн уджмогыяс збыльмöдан кадколастыс артавсьö сыöн кывсетан лунсянь. Коми Республикаса Юралысь дугöдö збыльмöдны ассьыс уджмогыяссö чинын сылöн уджалан кад кольöм бöрын выльöн бöрйöм Коми Республикаса Юралысьöн кывсетöм бöрын.

Коми Республикаса Юралысьлöн уджмогыясыс кадысь водз помасьöны федеральной оланпасöн урчитöм случайясын да пöрадокын.».

20. 86¹ статья киритны.

21. 87 статьяса медводдза юкöн гижны тадзи:

1) 1 пунктын «Россия Федерацияса Оланподувлы,» кывьяс бöрын содтыны «федеральной оланподув оланпасьяслы,» кывьяс;

2) 2 пунктын «Россия Федерацияса Оланподув,» кывьяс бöрын содтыны «федеральной оланподув оланпасьяс,» кывьяс.

22. 88 статья гижны тадзи:

«88 статья

Сэк, кор Коми Республикаса Юралысьлöн уджмогыясыс кадысь водз помасьöны, Коми Республикаса Юралысьöс недыр кад кежлö вештöны чинысь Россия Федерацияса Президентöн Коми Республикаса Юралысьлысь могьяс недыр кадколастö збыльмöдысьöс индытöдз, Коми

Республикаса Юралысьлысь могъяссö недыр кадколастö збыльмöдö Коми Республикаса Вескöдлан котырöн Юрнуöдысь, а кор сийö абу – Коми Республикаса Вескöдлан котырöн Юрнуöдысьöс вежысь Коми Республикаса Юралысьöн урчитöм кывкутана могъяс юклöм серти.

Сэк, кор Коми Республикаса Юралысь оз вермы збыльмöдны ассыс уджмогъяссö дзоньвидзалун вöсна либö мукöд помкакöд йитöдын, кутшöмъяс вöсна мыйкö дыра оз вермы збыльмöдны ассыс уджмогъяссö (отпуск, служебной командировка), найöс недыр кадколастö збыльмöдö Коми Республикаса Вескöдлан котырöн Юрнуöдысь, а кор сийö абу – Коми Республикаса Вескöдлан котырöн Юрнуöдысьöс вежысь Коми Республикаса Юралысьöн урчитöм кывкутана могъяс юклöм серти. Сэк, кор Россия Федерацияса гражданагысь инöдъяссö да оланпас серти интересъяссö дорйöм могысь Россия Федерацияса Президент индö Коми Республикаса Юралысьлысь могъяс недыр кадколастö збыльмöдысьöс федеральной оланпас серти, тайö юкөн серти урчитöм морт дугдö збыльмöдны Коми Республикаса Юралысьлысь могъяссö.

Коми Республикаса Юралысьлысь кывкутана могъяс недыр кадколастö збыльмöдысьлөн, кодлы сетöма уджмогъяс тайö статья серти, эмöсь Коми Республикаса Юралысьлөн инöдъяс да могъяс, татшöм инöд кындзи:

- 1) пыртны Коми Республикаса Оланподув вежöм йылысь вöзйöмъяс;
- 2) дугöдны Коми Республикаса Каналан Сöветлысь удж.».

23. 89 статьяын:

1) медводдза юкöнын «медвылыс» кыв вежны «пыр уджалан медвылыс» кывъясөн;

- 2) содтыны татшöм сюрöса мöд да коймöд выль юкөнъяс:

«Коми Республикаса Вескöдлан котыр Коми Республикаса оланпас серти могмöдö Коми Республика мутасын Россия Федерацияса Оланподув, федеральной оланподув оланпасъяс, федеральной оланпасъяс да Россия Федерацияса мукöд инöда нормативной акт, Коми Республикаса

Оланподув, Коми Республикаса оланпасьяс да мукöд инöда нормативнöй акт олöмö пöртöмсö да Коми Республикаса мукöд олöмö пöртысь власьт органлысь сöгласуйтöм уджсö.

Коми Республикаса Юралысь котыртö Коми Республикаса Веськöдлан котырöс.».

24. 89¹ статьяын:

1) медводдза да витöд юкөнъясын «Коми Республикаса Веськöдлан котырлысь выль состав лöсьöдтöдз» кывъяс вежны «Коми Республикаса выль Веськöдлан котыр лöсьöдтöдз» кывъясөн;

2) коймöд юкөннын «пыркадся» кыв киритны.

25. 90 статья гижны таdzi:

«90 статья

Коми Республикаса Веськöдлан котырөн веськöдлö Коми Республикаса Веськöдлан котырөн Юрнуöдысь, кодöс чинö индö Коми Республикаса Юралысь Коми Республикаса Каналан Сöветкöд öтсöгласö воём бöрын, чинысь вештö Коми Республикаса Юралысь.

Коми Республикаса Веськöдлан котырөн Юрнуöдысьöс индöны чинö Коми Республикаса Юралысьлысь уджмогъяс збыльмöдан кадколаст кежлö.

Коми Республикаса Веськöдлан котырөн Юрнуöдысьлөн уджмогъясыс кольöны выльөн индём Коми Республикаса Веськöдлан котырөн Юрнуöдысьлөн чинö пыртöдз Коми Республикаса оланпасён урчитöм пöрадок серти.

Коми Республикаса Веськöдлан котырөн Юрнуöдысь котыртö Коми Республикаса Веськöдлан котырлысь удж.

Сэк, кор Коми Республикаса Веськöдлан котырөн Юрнуöдысь оз вермы збыльмöдны ассьыс уджмогъяссö дзоньвидзалун вöсна либö мукöд помкакöд йитöдын, кутшöмъяс вöсна мыйкöдыра оз вермы збыльмöдны ассьыс уджмогъяссö (отпуск, служебнöй командировка), Коми Республикаса Веськöдлан котырөн Юрнуöдысьлысь могъяссö недыр

кадколастӧ збыльмӧдӧ сійӧс вежысьясысь ӧти Коми Республикаса
Веськӧдлан котырӧн Юрнуӧдысьӧн урчитӧм могъяс юклӧм серти.».

26. 91 статьяын:

1) медводдза юкӧн гижны тадзи:

«Коми Республикаса Веськӧдлан котыр Коми Республикалӧн
компетенцияын да ас уджмогъяс серти, мый урчитӧма Коми Республикаса
Оланподулӧн, Коми Республика оланпасӧн:

1) пунктӧ пай сьӧм, наука, велӧдӧм, йӧзлысь дзоньвидзалун видзӧм,
культура, мортӧс ёнмӧдӧм да спорт, социальнӧя могмӧдӧм, туй вылын
неминучаысь видзчысьӧм да экология юкӧнъясын ӧтувъя кансям нуӧдӧмӧ;

2) збыльмӧдӧ мортлысь да гражданинлысь инӧдъяс да вӧля олӧмӧ
пӧртан, могмӧдан да доръян, ас эмбур да ӧтйӧза пӧрадок видзан,
терроризмлы да экстремизмлы водзсаян, мыж вӧчӧмкӧд тыш нуӧдан
мераяс;

3) дасьтӧ да збыльмӧдӧ Коми Республикалӧн социально-
экономическӧй сӧвмӧм вылӧ веськӧдӧм мераяс;

4) збыльмӧдӧ Коми Республика мутасын олысь Россия Федерацияса
войтырлысь этнокультура унапӧлӧслун, налысь кывъяс, культура видзан
да сӧвмӧдан; этша лыда вужвойтырлысь да ичӧт лыда мукӧд войтырлысь
инӧдъяс доръян; социальнӧя да культура боксянь мигрантъясӧс
адаптируйтан; войтырсикаскостса (войтыркостса) венъясысь ӧлӧдан да
войтырсикас да конфессияяс костын ӧтсӧгласӧн олӧмсӧ могмӧдан мераяс;

5) збыльмӧдӧ мукӧд уджмог, мый урчитӧма федеральнӧй
оланпасъясӧн, Коми Республикаса Оланподулӧн, Коми Республика
оланпасъясӧн, федеральнӧй олӧмӧ пӧртысь власьт оранъяскӧд
артмӧдчӧмъясӧн, а сідзжӧ мый урчитӧма Россия Федерацияса
Президентлӧн инӧда нормативнӧй актъясӧн да Россия Федерацияса
Веськӧдлан котырлӧн инӧда нормативнӧй актъясӧн, кутшӧмъяс урчитӧны
Коми Республикаса олӧмӧ пӧртысь власьт органъяслы федеральнӧй олӧмӧ
пӧртысь власьт органъяслысь торъя уджмогъяс сетӧмсӧ.»;

2) мӧд юкӧн киритны.

27. 95 статья киритны.

28. 8 юрпаслысь нимсӧ гижны тадзи:

**«8 юрпас. КОМИ РЕСПУБЛИКАСА ОЛАНПОДУВ
ДА СЫ ДОРӦ СТӦЧМӧДӦМЪЯС ВYNСЬӦДӦМ».**

29. 101 статья гижны тадзи:

«101 статья

Коми Республикаса Оланподув да сы дорӧ стӧчмӧдӧмъяс вынсьӧдӧм йылысь вӧзйӧмъяс Коми Республикаса Каналан Сӧветӧ пыртӧны органъяс да йӧз, кодъяслӧн Коми Республикаса Оланподув серти оланпас вӧзъян инӧд.».

30. 102 статьяса мӧд юкӧн гижны тадзи:

«Коми Республикаса Оланподув дорӧ стӧчмӧдӧмъяс йылысь Коми Республикаса оланпассӧ вынсьӧдӧ Коми Республикаса Каналан Сӧвет урчитӧм депутат лыдысь кык коймӧд юкӧнысь абу этшаджык гӧлӧсӧн.».

31. 103 статья гижны тадзи:

«103 статья

Коми Республикаса Каналан Сӧветӧн вынсьӧдӧм Коми Республикаса Оланподувсӧ сийӧс вынсьӧдан лунсянь дас лунӧн мӧдӧдӧны Коми Республикаса Юралысьлы йӧзӧдӧм вылӧ. Коми Республикаса Юралысь йӧзӧдӧ Коми Республикаса Оланподувсӧ сылӧн воан лунсянь дас нӧль лунӧн.

Коми Республикаса Каналан Сӧветӧн вынсьӧдӧм Коми Республикаса Оланподув дорӧ стӧчмӧдӧмъяс йылысь Коми Республикаса оланпассӧ сийӧс вынсьӧдан лунсянь дас лунӧн мӧдӧдӧны Коми Республикаса Юралысьлы кырымалӧм да йӧзӧдӧм вылӧ. Коми Республикаса Юралысь кырымалӧ да йӧзӧдӧ индӧм оланпассӧ, либӧ вештӧ сийӧс сылӧн воан лунсянь дас нӧль лунӧн.».

2 статья. Тайö Оланпасыс вынсялö сійöс официальнöя йöзöдöм
бöрын дас лун кольöм мысти.

Коми Республикаса Юралысь

В.В. Уйба

Сыктывкар

2022 вося сора тöлысь 4 лун

50-РЗ №